

"Mulleres que contan": recuperando a memoria familiar no Día da Muller

3º Primaria / Salcedo

Con motivo da celebración do día da muller o alumnado de 3º de primaria participou de forma maioritaria na elaboración dun libro que recollía os datos más relevantes nas biografías dalgunha muller da súa familia.

Cada un dos nenos e nenas debería preguntar na casa ás persoas de máis idade e pedirlles que recordaran todo o que sabían das vidas das diferentes mulleres da familia. A continuación deberían recoller nun texto a vida da que para eles resultase máis interesante.

A maioria do alumnado decidiu escribir sobre a vida das súas avoas ou bisavooas. Pero tampouco faltaron relatos referidos ás súas nais nos que nos mostran como as mulleres van dando pasos neste camiño de dificultades cara a igualdade

Ao pouco de casar o marido emigrou a Brasil e ela quedou soa na aldea cos fillos, a sogra enferma e un tío discapacitado. Como non tiñan cartos, decidiu comprar leite na aldea e vendelo en Pontevedra. Ao principio ía andando cun carriño, despois comprou un carro, e anos máis tarde comprou un camión.

Todos os días se levantaba ás cinco da mañá para recoller o leite en varias aldeas e, despois, repartíao casa por casa en Pontevedra ata as tres da tarde. Ademais, como era a única que ía á cidade, os veciños facíanlle encargos de cousas que non había na aldea.

Mateo Torres



SALOMÉ

A miña nai chámase Salomé. Naceu en 1968. Cando era pequena xogaba debaixo da parra que plantara o meu tataravó no século XIX, pero nunca pensou en dedicarse a nada que tivera que ver co viño.

Estudou dereito xa que quería ser avogada, e ese é o seu traballo. Foi a primeira muller da familia en ter título

universitario.

Fai algo máis de dez anos, no seu pobo, un grupo de xente empezou a falar de facer unha adega no pobo. Ela non dubidou en meterse no proxecto e, xunto con dez socios (todos homes) fixeron a adega. En 2006 foi a inauguración.

E sabedes quen é a presidenta? A miña nai!

Non hai que buscar lonxe para atopar mulleres que fan cousas importantes.

Mariño



A TATARAVOA DOMINGA

A miña tataravoa chamábase Dominga e naceu no ano 1880. Non foi ao colexiio porque non era importante nesa época ir ao colexiio. Mercaba ovos en Carnota e vendíaos en Muros, e dende Muros levábaos no carro nun barco que ía a Noia, e alí vendía todo... e así todos os días.

Con todo o diñeiro que gañou, mercou unha casa e unha taberna, pero a taberna tivérona que pechar porque o meu tataravó era moi bebedor. Iago



A BISAVOA ROSALÍA

A miña bisavoa Rosalía naceu no ano 1926. Tivo catro fillos e traballou como leiteira.



A MIÑA BISAVOA CALISTA

A miña bisavoa Calista nace no ano 1900 nun pobo de Cáceres que se chama Plasenzuela. Foi a terceira de seis irmáns. No pobo non había escola pero grazas á boticaria aprendeu a ler e escribir.

Veu a Pontevedra no ano 1931, casada e con dous fillos, despois aquí naceron dous fillos máis. A viaxe en tren durou tres días e ao entrar en Galicia sorprendeuse ao ver ás mulleres traballando no campo xa que no seu pobo, ao campo só ían os homes.

O seu marido era policía local en Pontevedra. Perdeu a visión dun ollo no seu pobo ao darlle unha mula unha patada. Despois de varias operacións quedouse totalmente cego.


Ditas operacións supuxeron un gasto moi elevado e os meus bisavós necesitaban máis cartos dos que gañaban e é aquí onde empeza a valente fazaña da miña bisavoa Calista que non dubidou en dedicarse ao

contrabando, "o extraperlo" para poder pagar as operacións do seu marido e criar aos seus fillos.

Dedicouse a traer produtos desde Portugal a España, produtos que non había e que eran difíciles de encontrar debido á nosa Guerra Civil. Marchaba andando dende Pontevedra, atravesando os montes, e volvía con café, azucré, roupa, leite en po, xabón, etc.

Estas viaxes facíaas dúas veces á semana e, en varias ocasións, detívéróna e quitáronlle a mercancía que traía porque estaba prohibida en España. Faleceu no ano 1997, con 96 anos e, a pesar de levar en Pontevedra 66 anos, nunca perdeu o seu acento estremeño.

Mauro



**DEPUTACIÓN
PONTEVEDRA**